

**UCAPAN MUKADIMAH ANGGARAN BELANJAWAN
KEMENTERIAN KEWANGAN DAN EKONOMI
DAN JABATAN-JABATAN DI DALAMNYA
BAGI TAHUN KEWANGAN 2021/2022**

Terima kasih Yang Berhormat Pehin Pengerusi.

Bismillah Hirrahman Nirrahim.

Assalamualaikum Warahmatullahi Wabarakatuh dan Salam Sejahtera.

1. Kementerian Kewangan dan Ekonomi serta Jabatan-Jabatan di bawahnya bagi Tahun Kewangan 2021/2022 secara keseluruhannya adalah disediakan peruntukannya berjumlah **Sembilan ratus dua puluh sembilan juta, tiga ratus lima puluh empat ribu, dan seratus dua puluh dua ringgit (\$929,354,122)**.

2. Peruntukan ini adalah untuk membiayai;
 - 2.1. **Pertama, Gaji Kakitangan** berjumlah **Enam puluh tujuh juta, tiga ratus sembilan puluh dua ribu, lima ratus sembilan puluh tujuh ringgit (\$67,392,597)**, iaitu peningkatan kira-kira satu point empat puluh empat juta (\$1.44 juta) atau dua point dua peratus (2.2%) dari Tahun Kewangan 2020/2021

mengambil kira perkiraan sebenar gaji dan elaun bagi jawatan-jawatan yang telah diisikan; pemindahan 24 jawatan dari Kementerian Tenaga; dan penyerapan 6 jawatan dari Kementerian Pengangkutan dan Infokomunikasi;

- 2.2. Kedua, **Perbelanjaan Berulang-Ulang** berjumlah **Lapan ratus empat puluh empat juta, sembilan ratus tujuh puluh satu ribu, empat ratus sembilan ringgit** (\$844,971,409), iaitu meningkat sebanyak kira-kira dua puluh satu point satu peratus (21.1%) daripada peruntukan Tahun Kewangan 2020/2021 (\$697,678,626), antarlainnya disebabkan oleh peningkatan Peruntukan Perkhidmatan Rampaian sebanyak dua puluh enam point sembilan peratus (26.9%) kepada tujuh ratus tujuh point empat juta ringgit (\$707.4 juta) berbanding Tahun Kewangan 2020/2021 (\$557.2 juta).

Perkhidmatan Rampaian ini termasuklah peruntukan bagi membiayai perbelanjaan-perbelanjaan Kementerian dan Jabatan yang antarlainnya seperti:

- i. Keselamatan dan Pertahanan berjumlah seratus dua puluh satu point lapan juta ringgit (\$121.8 juta);
- ii. Perkhidmatan Perubatan berjumlah tiga puluh juta ringgit (\$30 juta);
- iii. Menangani wabak penyakit berjangkit termasuk pembelian Vaksin Covid-19 berjumlah dua puluh juta ringgit (\$20 juta);
- iv. Perbelanjaan bagi menangani bencana alam seperti melaksanakan kerja-kerja perlindungan jangka masa panjang bagi tanah susur dan banjir berjumlah lima belas juta ringgit (\$15 juta);
- v. Keselamatan Awam berjumlah lima point lapan juta (\$5.8 juta);
- vi. Projek Teknologi Maklumat berjumlah empat juta ringgit (\$4 juta);
- vii. Kemajuan Daerah Temburong berjumlah tiga point lapan juta ringgit (\$3.8 juta);
- viii. Program Bantuan kepada pelajar-pelajar Skim Miftaahun Najaah dari keluarga yang kurang kemampuan iaitu bantuan ini merupakan *in-kind* seperti pakai seragam sekolah, buku kerja, alat tulis dan yuran sekolah berjumlah satu point lima juta ringgit (\$1.5 juta);
- ix. dan lain-lain perbelanjaan.

2.3. Manakala, di bawah kategori **Perbelanjaan Kemajuan** pula, **Enam belas juta, sembilan ratus sembilan puluh, dan seratus enam belas ringgit** (\$16,990,116) dengan **Harga Rancangan** berjumlah **Dua ratus sembilan puluh lima juta, dua ratus dua puluh tiga ribu, sembilan ratus sembilan puluh satu ringgit** (\$295,223,991) adalah diperuntukan antaranya untuk membiayai Projek Penubuhan Bursa Saham Negara Brunei Darussalam; Kajian Sains, Teknologi dan Inovasi di bawah Brunei Research Council bagi penyelidikan-penyelidikan mendukung pembangunan Negara; Banci Dan Kajian Sosio-Ekonomi; Sistem Pengurusan Sumber Manusia Kerajaan; Projek Pembangunan Pulau Muara Besar Fasa 2; Projek Pembangunan Teluk Brunei (Pulau Muara Besar); dan projek Sistem Kebajikan Kebangsaan;

Yang Berhormat Pengerusi,

3. Kaola tidak akan mengulang kembali inisiatif-inisiatif di bawah Keutamaan-Keutamaan Belanjawan bagi Tahun Kewangan 2021/2022 termasuklah pencapaian-pencapaian yang telah dicapai oleh Kementerian Kewangan dan Ekonomi sepanjang Tahun Kewangan 2020/2021 memandangkan kaola telah pun

menerangkan secara terperinci semasa pembentangan Belanjawan Negara bagi Tahun Kewangan 2021/2022 tempoh hari.

4. Walaubagaimanapun, Kementerian Kewangan dan Ekonomi akan terus komited dalam melaksanakan dan mendukung usaha-usaha yang menyumbang kepada perkembangan ekonomi Negara samaada melalui kerjasama dengan Kementerian-Kementerian, GLCs dan Badan-Badan Berkanun yang berkenaan, serta melalui Foreign Direct Investment. Ini termasuklah mendukung inisiatif ke arah Industri Revolusi Ke-empat dan meningkatkan efisiensi dalam pemberian perkhidmatan kepada orang ramai.
5. Dalam masa yang sama, Kaola sukacita mengambil kesempatan di dewan yang mulia ini untuk mengucapkan setinggi-tinggi penghargaan dan terima kasih diatas kerjasama rakan-rakan sejawat dalam melaksanakan beberapa projek di bawah Fiscal Consolidation Program dan Kaola penuh percaya dan berharap projek-projek yang dalam perancangan akan dapat diungkayahkan dengan adanya kerjasama yang padu demi mencapai hasrat kearah kedayatahanan fiskal negara.

Yang Berhormat Pengerusi,

6. Sekianlah yang dapat kaola kongsiikan sebagai makluman dan panduan Ahli-Ahli Yang Berhormat. Kaola percaya dengan kerjasama dan sokongan semua pihak, hasrat Kementerian Kewangan dan Ekonomi ke arah memastikan kedayatahanan serta kestabilan fiskal, dan kepelbagaian ekonomi akan dapat dicapai.

7. Sebelum kaola menutup, sepertimana jua yang lazimnya dibuat pada tahun-tahun yang lalu, kaola memohon izin bagi Peruntukan Pejabat Penerbangan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam, atau HMSF yang disifatkan sebagai Jabatan yang tertutup untuk tidak dibincangkan.

Sekian Yang Berhormat Yang Di-Pertua Dewan.